



აღსრულების ეროვნული ბიურო National Bureau of Enforcement

სატენდერო დოკუმენტაცია

ავტომობილებისა და მათთან დაკავშირებული მოწყობილობების შეკეთებისა და ტექნიკური მომსახურების
(CPV – 50110000) სახელმწიფო შესყიდვა
გამარტივებული ელექტრონული ტენდერი (პრეისკურანტით)

დაფინანსების წყარო-აღსრულების ეროვნული ბიუროს საკუთარი შემოსავლები
პრეისკურანტის სავარაუდო ღირებულება - 524 020,00 ლარი დღგ-ს ჩათვლით
სახელშეკრულებო ღირებულება - 130 000 ლარი დღგ-ს ჩათვლით

ქ. თბილისი
2016 წელი

ს ა რ ჩ ე ვ ი

1. ინსტრუქცია ტენდერში მონაწილეთათვის;
2. ტექნიკური დოკუმენტაცია;
3. სახელმწიფო შესყიდვის შესახებ ხელშეკრულების ფორმა;
4. თანდართული დანართებით N1; 2; 3; 4.

1. ინსტრუქცია ტენდერში მონაწილეთათვის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“ და „გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების შესაბამისად.

1.2 გამარტივებულ ელექტრონულ ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე. დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.3 დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.4 სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული (ბეჭდის არსებობის შემთხვევაში) უნდა იყოს უფლებამოსილი პირის მიერ (საჭიროების შემთხვევაში ატვირთულ უნდა იქნას მინდობილობა ან რწმუნებულება).

1.5 სატენდერო პროცედურების განხორციელების ეტაპზე სუბკონტრაქტორ(ებ)ის არსებობის შემთხვევაში სახელმწიფო შესყიდვების ერთიან ელექტრონულ სისტემაში ატვირთული უნდა იქნას პრეტენდენტსა და სუბკონტრაქტორ(ებ)ს შორის გაფორმებული ხელშეკრულებ(ებ)ი.

1.6 სახელმწიფო შესყიდვების შესახებ ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.7 პრეტენდენტს არა აქვს უფლება წარმოადგინოს ალტერნატიული სატენდერო წინადადება.

1.8 „გამარტივებული ელექტრონული ტენდერისა და ელექტრონული ტენდერის ჩატარების წესის“ შესახებ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანებით დამტკიცებული წესის მე-6 მუხლის პირველი პუნქტის შესაბამისად, ტენდერისათვის „ტენდერი გამოცხადებულია“ სტატუსის მინიჭებიდან სტატუსის – „წინადადების მიღება დასრულებულია“ მინიჭებამდე, არაუგვიანეს 24 საათისა, სისტემაში „მიმწოდებლად“ რეგისტრირებულ ნებისმიერ მომხმარებელს უფლება აქვს შემსყიდველ ორგანიზაციას, სისტემაში არსებული „კითხვა/პასუხის“ მოდულის მეშვეობით, მოსთხოვოს სატენდერო პირობების კონკრეტული ჩანაწერის განმარტება.

1.9 სატენდერო დოკუმენტაციის შესახებ დამატებითი ინფორმაციის და შესყიდვის პროცედურების შესახებ განმარტებების მისაღებად, მიმართეთ სატენდერო კომისიის აპარატის წევრს - ინგა ხვედელიძეს ტელ: (+995 32) 2-72-11-18 (2307) ელ. ფოსტა: ikhvedelidze@nbe.gov.ge მის: ქ. თბილისი, აღმაშენებლის ხეივანი მე-10 კმ.

2. ტექნიკური დოკუმენტაცია

2.1. შესყიდვის ობიექტი: ავტოსატრანსპორტო საშუალებების (დანართი N1) ტექნიკური მომსახურება პრეისკურანტის საშუალებით.

2.2. ტექნიკური დავალება და მომსახურების გაწევის პირობები:

2.2.1. სხვადასხვა სახის ავტოსატრანსპორტო საშუალებების ტექნიკური მომსახურება უნდა განხორციელდეს სატენდერო დოკუმენტაციით გათვალისწინებულ დანართი N1-ში მოცემულ კონკრეტულ ავტოსატრანსპორტო საშუალებებზე (კონკრეტული მარკის, მოდელის, საიდენტიფიკაციო ნომრის, გამოშვების წელის შესაბამისად);

2.2.2. მომსახურების გაწევის პირობები:

- პრეტენდენტს საკუთრებაში ან სარგებლობაში უნდა გააჩნდეს არანაკლებ 1 (ერთი) სერვის-ცენტრი ქ. თბილისის მუნიციპალიტეტის ადმინისტრაციულ საზღვრებში, კახეთის რეგიონის ადმინისტრაციულ საზღვრებში და დასავლეთ საქართველოში. სერვისცენტრის ადგილმდებარეობა და რეკვიზიტები მითითებული უნდა იქნას პრეტენდენტის ტექნიკურ დოკუმენტაციაში, ხოლო სხვა პირის ქონებით სარგებლობის შემთხვევაში არაუგვიანეს ხელშეკრულების დადებამდე წარმოდგენილი უნდა იქნას საჯარო რეესტრის ამონაწერი აღნიშნული უფლებით სარგებლობის რეგისტრაციის შესახებ.

- პრეტენდენტის ტექნიკურმა შესაძლებლობებმა უნდა უზრუნველყონ დანართი N1-ში მოცემული ავტოსატრანსპორტო საშუალებების გამართული ფუნქციონირება. პრეტენდენტის ტექნიკურ შესაძლებლობებში იგულისხმება - საწარმოო ფართი, საწარმოო და სასაწყობო სათავსოები, სამუშაოს შესრულებისათვის საჭირო ძირითადი და სათადარიგო მანქანა-დანადგარების საწარმოო სიმძლავრეები, ავტონომიური ელექტრო კვებისა და უსაფრთხოების უზრუნველყოფა (პრეტენდენტს ერთ საწარმო ფართში უნდა გააჩნდეს მინიმუმ 4 (ოთხი) საავტომობილო ამწე, ელ. სისტემის დიაგნოსტიკური აპარატურა, ალტერნატიული ელექტრო კვების წყარო, თბილისის სერვისცენტრის საწარმოო ფართის მიმდებარედ დაცული ავტოსადგომი, სასაწყობო ფართი. პრეტენდენტს უნდა გააჩნდეს რეგიონებში მომსახურების შესაძლებლობა, აღნიშნული მომსახურების განხორციელება შესაძლებელი უნდა იყოს, როგორც არსებულ სერვის ცენტრში ასევე მობილური ჯგუფების მეშვეობით.

- ტენდერში გამარჯვებულმა ორგანიზაციამ ყოველ კონკრეტულ შემთხვევაზე უნდა მიანიჭოს პრიორიტეტული უფლება სსიპ „აღსრულების ეროვნული ბიურო“-ს ავტოსატრანსპორტო საშუალებებს, რაც გულისხმობს მათ რიგგარეშე და დაუყოვნებლივ მომსახურებას.

- ტენდერში გამარჯვებულმა ორგანიზაციამ ოპერატიულად უნდა უზრუნველყოს სატენდერო დოკუმენტაციით გათვალისწინებულ დანართ N1-ში მითითებული ავტოსატრანსპორტო საშუალებების შეკეთება-აღდგენა სერვისცენტრში, ხოლო საჭიროების შემთხვევაში უზრუნველყოს ევაკუატორის დაქირავება და ავტომანქანის გადაყვანა სერვისცენტრში შესაკეთებლად ან საკუთარი მობილური ჯგუფის მეშვეობით ადგილზე ან სერვისცენტრში გადაყვანის შემდგომ მოახდინოს ავტომანქანის აღდგენა-შეკეთების ტექნომსახურების გაწევა. ავტოსატრანსპორტო საშუალებების ოპერატიული შეკეთება გულისხმობს ყველა სახის სამუშაოებს ავტოსატრანსპორტო საშუალებების შეუფერხებელი ფუნქციონირების უზრუნველყოფის მიზნით, მათ შორის მიმდინარე და კაპიტალურ რემონტს, პროფილაქტიკური და დიაგნოსტიკური სამუშაოების ჩატარებას, უწყვტილობის აღმოფხვრას, სათადარიგო ნაწილების მოხსნა-დაყენებას, შეკეთებას ან/და გამოცვლას, საცხებ-საპოხი მასალების გამოცვლას, სათუნუქე და სამღებრო სამუშაოებს, ელექტროგაყვანილობების რემონტს და სხვა ძირითად კვანძებსა და სამუშაოებს რომლებიც მთლიანობაში ასახულია სატენდერო დოკუმენტაციით გათვალისწინებულ დანართ N2-ში (პრეისკურანტი).

- სხვადასხვა სახის ავტოსატრანსპორტო საშუალებების ტექნიკური მომსახურება უნდა განხორციელდეს მიმწოდებლისა და შემსყიდველის მიერ გამოყოფილი უფლებამოსილი პირების მიერ შედგენილი დეფექტური აქტის საფუძველზე;

- შემსყიდველის წარმომადგენლის მიერ ავტომანქანის მიმწოდებლის სერვისცენტრში (მათ შორის სუბკონტრაქტორის სერვისცენტრში) შეყვანიდან მაქსიმუმ 2 (ორი) საათის განმავლობაში მიმწოდებელი ვალდებულია შეადგინოს დეფექტური აქტი, რომლის ელექტრონული ვერსია დაუყოვნებლივ უნდა გაუზიაროს შემსყიდველის მიერ გამოყოფილ კოორდინატორს ელ. ფოსტის მისამართზე შემდგომი შეთანხმებისთვის და შემსყიდველის თანხმობის (შესაძლებელია შემსყიდველის მიერ განხორციელდეს დეფექტურ აქტში მითითებული მომსახურების ან საქონლის რაოდენობის კორექტირება) შემთხვევაში მისი ხელმოწერის (ორივე მხარის მიერ ხელმოწერის შემდეგ დეფექტურ აქტში აუცილებლად უნდა დაფიქსირდეს თარიღი და დრო) შემდეგ მიმწოდებელმა დაიწყოს მომსახურების განხორციელება, ხოლო თუ მიმწოდებელი არ მოაწერს დეფექტურ აქტს ხელს შემსყიდველს უფლება აქვს ცალმხრივად გაწყვიტოს ხელშეკრულება. დეფექტურ აქტში მითითებული უნდა იქნას დაზიანებული ავტოსატრანსპორტო საშუალების ფირმა, მოდელი, გამოშვების წელი, საიდენტიფიკაციო ნომერი, აღმოჩენილი ხარვეზი, აღნიშნული ხარვეზის აღმოფხვრისათვის საჭირო გასაწევი მომსახურებების ჩამონათვალი (საჭიროების შემთხვევაში შესაცვლელი სათადარიგო ნაწილების გათვალისწინებით), ხელშეკრულების პრეისკურანტში (დანართი N2) მითითებული ღირებულებების შესაბამისად;

- თუ გასაწევი მომსახურება არ არის გათვალისწინებული პრეისკურანტში მაშინ მხარეები შეთანხმების საფუძველზე აღნიშნულ გასაწევ მომსახურებას ან/და შესაცვლელი სათადარიგო ნაწილს ღირებულებების გათვალისწინებით უთითებენ დეფექტურ და მიღება-ჩაბარების აქტებში, ხელშეკრულებაში დამატებითი ცვლილებების შეტანის შემდგომ, სახელშეკრულებო ღირებულების შეუცვლელად.

- გაწეულ მომსახურებაზე ყოველ კონკრეტულ შემთხვევაში მხარეები ადგენენ მიღება-ჩაბარების აქტს, რომელშიც მითითებული უნდა იყოს გაწეული მომსახურების დეტალური აღწერა (საჭიროების შემთხვევაში სათადარიგო ნაწილ(ებ)ის გათვალისწინებით), რაოდენობა ან/და მოცულობა, ფასი და საერთო ღირებულება (მომსახურებების ფასები გათვალისწინებული იქნება პრეისკურანტში მოცემული ფასების შესაბამისად, ხოლო პრეისკურანტით გაუთვალისწინებელი მომსახურების ან/და შესაცვლელი სათადარიგო ნაწილის შემთხვევაში ფასი დადგინდება შემსყიდველთან წინასწარ შეთანხმების საფუძველზე მიმდინარე დროისთვის ბაზარზე არსებული ღირებულებების შესაბამისად).

2.3. მომსახურების გაწევის პერიოდი და გარანტიის ვადები და პირობები:

2.3.1 მომსახურების გაწევა უნდა განხორციელდეს მიმწოდებლის მიერ, მისივე ხარჯებით ხელშეკრულების გაფორმებიდან 2017 წლის 31 დეკემბრის ჩათვლით;

2.3.2 მომსახურების გაწევის ადგილ(ებ)ი (მისამართ(ებ)ი) და ინფორმაცია მიმწოდებლის ტექნიკური შესაძლებლობების შესახებ მოცემულია დანართი N3-ში;

2.3.3 გაწეულ მომსახურებაზე უნდა ვრცელდებოდეს დანართი N2-ში მოცემული მინიმალური საგარანტიო პირობები.

2.4. სატენდერო წინადადების ფასი:

2.4.1 სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე;

2.4.2 პრეტენდენტს უფლება აქვს წარმოადგინოს მხოლოდ ერთი წინადადება;

2.4.3 სატენდერო წინადადებაში საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორიცაა: სათადარიგო ნაწილების ღირებულება და საქართველოს კანონმდებლობით დადგენილი გადასახადები, თუ მოსაკრებლები (მათ შორის - დღგ);

2.4.4 სატენდერო წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი;

2.4.5 ხელშეკრულების ღირებულების თანხა, რომელიც განსაზღვრული იქნება 130 000 (ასოცდაათი ათასი ლარი) ლარის ოდენობით აღებულია შესაძლო გასაწევი მომსახურებების მიხედვით, ხოლო ანაზღაურება მიმწოდებელთან განხორციელდება მის მიერ ფაქტობრივად გაწეული მომსახურებების მიხედვით, შესაბამისად ხელშეკრულების მოქმედების ვადის ამოწურვის მომენტისათვის ხელშეკრულების საერთო ღირებულებიდან გამოუმუშავებელი თანხა დარჩება შემსყიდველთან და იგი არ წარმოშობს მხარეებს შორის რაიმე დამატებით ვალდებულებებს;

2.4.6 იმ შემთხვევაში, თუ ტენდერში ყველაზე დაბალი ფასის წინადადების მქონე პრეტენდენტის მიერ, სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, მიმწოდებელი ვალდებულია, შემსყიდველის მოთხოვნიდან, **არაუმეტეს 5 (ხუთი) სამუშაო დღის ვადაში**, დაასაბუთოს ფასწარმოქმნის ადეკვატურობა. ფასწარმოქმნის ადეკვატურობა, შესაძლებელია დასაბუთდეს ექსპერტიზის დასკვნით, ან/და შესაბამის სფეროში საქართველოს კანონმდებლობით განსაზღვრული უფლებამოსილების/აკრედიტაციის მქონე პირის მიერ გაცემული საექსპერტო ან/და აუდიტორული, ან/და სამემფასებლო დასკვნით (პრეტენდენტის მიერ, დასკვნასთან ერთად, ასევე, წარმოდგენილი უნდა იქნას დასკვნის გამცემი პირის შესაბამისი უფლებამოსილების/აკრედიტაციის დამადასტურებელი დოკუმენტი), რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას.

2.5. დამატებითი მოთხოვნები

2.5.1 პრეტენდენტის მიერ ერთიანი ელექტრონული სისტემის მეშვეობით წარდგენილი წინადადების ფასი არ უნდა აღემატებოდეს პრეისკურანტის სავარაუდო ღირებულებას და ელექტრონული ვაჭრობის შედეგად წინადადების ფასის კლება შესაძლებელია განხორციელდეს მხოლოდ პრეისკურანტის სავარაუდო ღირებულებასთან მიმართებაში.

2.5.2 გასაწევი მომსახურებების და სათადარიგო ნაწილების ერთეულის ღირებულებები პოზიციების შესაბამისად პრეტენდენტის მიერ მითითებული უნდა იქნას პრეისკურანტში (დანართი N2) და არ უნდა აღემატებოდეს პრეისკურანტში ამავე პოზიციებზე დაფიქსირებულ ფასებს. ერთეულის ღირებულებების ჯამურმა ოდენობამ არ უნდა გადაჭარბოს 524 020.00 (ხუთასოცდაოთხი ათას ოცი ლარი და 00 თეთრი) ლარს.

2.5.3 ელექტრონული ვაჭრობის შემთხვევაში, ელექტრონულ სისტემაში დაფიქსირებული საბოლოო ფასიდან გამომდინარე საუკეთესო დაბალი ფასის მქონე პრეტენდენტის მიერ პრეისკურანტით გათვალისწინებული ერთეულის ღირებულებები დაკლებულ უნდა იქნას პროპორციულად ყველა პოზიციაზე, პრეისკურანტის თავდაპირველ ჯამურ ღირებულებასა და სისტემაში დაფიქსირებულ პრეისკურანტის საბოლოო ღირებულებას შორის არსებულ სხვაობიდან გამომდინარე (გამოყვანილი) პროცენტის შესაბამისად. ამასთან თუ ელექტრონული ვაჭრობის შედეგად ერთიან ელექტრონულ სისტემაში დაფიქსირებული საბოლოო ფასიდან გამომდინარე გასაწევი მომსახურებების ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია აღნიშნული ღირებულებები შეამციროს და დაამრგვალოს მეასედებამდე, შესაბამისად შეამციროს პრეისკურანტის ჯამური ღირებულებაც.

2.6 ანგარიშსწორების პირობები:

2.6.1 ანგარიშსწორება მიმწოდებელთან განხორციელდება ლარებში.

2.6.2 ანგარიშსწორება განხორციელდება ეტაპობრივად, ფაქტიურად გაწეული მომსახურების ღირებულებების მიხედვით, შესაბამისი მიღება-ჩაბარების აქტ(ებ)ის გაფორმებისა და საქართველოს კანონმდებლობით დადგენილი შესაბამისი საგადასახადო დოკუმენტების წარმოდგენიდან 10 (ათი) სამუშაო დღის განმავლობაში.

2.6.3 ანგარიშსწორების ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.

2.6.4 წინასწარი ანგარიშსწორების მექანიზმი არ გამოიყენება.

2.7. პრეტენდენტის მიერ სისტემაში სავალდებულოდ ასატვირთი დოკუმენტებია:

2.7.1 სატენდერო დოკუმენტაციით გათვალისწინებული დანართი N1 (ავტოსატრანსპორტო საშუალებების ჩამონათვალი). (ამავე დანართით გათვალისწინებული პირობების შესაბამისად ხელმოწერილი და ბეჭედდასმული დანართი N1 პრეტენდენტის მიერ ატვირთულ უნდა იქნას ერთიან ელექტრონულ სისტემაში).

2.7.2 სატენდერო დოკუმენტაციით გათვალისწინებული დანართი N2 (პრეისკურანტი). აღნიშნულ დანართში პრეტენდენტის მიერ მითითებულ უნდა იქნას გასაწევი მომსახურების (კონკრეტული მომსახურებების) საერთო და ერთეულის ღირებულებები, ასევე საგრანტო პირობები - ამავე დანართით გათვალისწინებული რაოდენობებისა და/ან მოცულობების და პირობების შესაბამისად) ამავე დანართით გათვალისწინებული პირობების შესაბამისად.

2.7.3 სატენდერო დოკუმენტაციით გათვალისწინებული დანართი N3 (სერვისცენტრის ტექნიკური შესაძლებლობები). აღნიშნულ დანართში პრეტენდენტის მიერ მითითებულ უნდა იქნას ინფორმაცია ორგანიზაციის ტექნიკური შესაძლებლობების შესახებ - ამავე დანართით გათვალისწინებული მოთხოვნების შესაბამისად) ამავე დანართით გათვალისწინებული პირობების შესაბამისად.

2.7.4. სატენდერო დოკუმენტაციით გათვალისწინებული დანართი N4 (რეკვიზიტები). აღნიშნულ დანართში პრეტენდენტის მიერ მითითებულ უნდა იქნას ინფორმაცია ორგანიზაციის რეკვიზიტების შესახებ) ამავე დანართით გათვალისწინებული პირობების შესაბამისად.

2.8. აუცილებელი პირობა:

2.8.1. შემსყიდველის მიერ მოთხოვნილი ყველა დოკუმენტი და/ან ინფორმაცია პრეტენდენტის მიერ ატვირთული უნდა იქნას ერთიან ელექტრონულ სისტემაში, ამასთან შემსყიდველის მოთხოვნის შემთხვევაში, მოთხოვნის შესაბამისად პრეტენდენტმა უნდა წარმოადგინოს იმ მოთხოვნილი დოკუმენტების დედანი ან/და ნოტარიულად დამოწმებული ასლ(ებ)ი, რომელიც იყო ატვირთული ერთიან ელექტრონულ სისტემაში. პრეტენდენტის მიერ წარმოდგენილი (ერთიან ელექტრონულ სისტემაში ატვირთული) ყველა დოკუმენტი და/ან ინფორმაცია ხელმოწერილი ან/და ბეჭედდასმული უნდა იყოს ხელმძღვანელის ან უფლებამოსილი პირის მიერ (უფლებამოსილი პირის შემთხვევაში წარმოდგენილი უნდა იქნას (ატვირთულ უნდა იქნას ერთიან ელექტრონულ სისტემაში) უფლებამოსილების დამადასტურებელი შესაბამისი დოკუმენტ(ებ)ი).

2.8.2. ტექნიკური დოკუმენტაციის შედგენისას პრეტენდენტის მიერ გათვალისწინებული უნდა იყოს (არ უნდა იყოს დარღვეული) სატენდერო დოკუმენტაციით განსაზღვრული დანართების ფორმები (მათ შორის ნუმერაცია) და არსებობის შემთხვევაში მათში მითითებული აუცილებელი პირობები.

2.8.3. თუ ელექტრონული ვაჭრობის შედეგად ერთიან ელექტრონულ სისტემაში დაფიქსირებული საბოლოო ფასიდან გამომდინარე ერთეულის ღირებულებები დაჯდება მრავალნიშნა ათწილადი, პრეტენდენტი ვალდებულია გამარჯვების შემთხვევაში ხელშეკრულების გაფორმების მომენტისთვის ერთეულის ღირებულებები შეამციროს და დაამრგვალოს მესამე მანძილამდე, შესაბამისად შეამციროს პრეისკურანტის ჯამური ღირებულებაც.

2.9 დაფინანსების წყარო:

სსიპ „აღსრულების ეროვნული ბიურო“-ს 2017 წლის საკუთარი სახსრები.

შენიშვნა:

დანართი N2 (პრეისკურანტი) ერთიან ელექტრონულ სისტემაში ატვირთულია ცალკე ფაილებად და ითვლება სატენდერო დოკუმენტაციის განუყოფელ ნაწილად.

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულების დამდები მხარეები

ერთის მხრივ საქართველოს იუსტიციის სამინისტროს სსიპ „აღსრულების ეროვნული ბიურო“ ფინანსების, სტატისტიკისა და შესყიდვების სამსახურის უფროსის ----- სახით (შემდგომში „შემსყიდველი“) იურიდიული მისამართი ქ. თბილისი, დ. აღმაშენებლის ხეივანი მე-10 კმ.; ს/კ 205263873; მიმღები ბანკი - სახელმწიფო ხაზიანა; მიმღების დასახელება - ხაზინის ერთიანი ანგარიში; ბანკის კოდი - TRESGE22; მიმღების ანგარიში/სახაზინო კოდი - 707453459

(ორგანიზაციის დასახელება და იურიდიული მისამართი)

და მეორეს მხრივ ----- მისი ----- სახით, იურიდიული მისამართი ----- (შემდგომში მიმწოდებელი)

(ორგანიზაციის დასახელება და იურიდიული მისამართი)

1. ხელშეკრულების საგანი და ღირებულება

1.1 შემსყიდველმა გამოაცხადა სხვადასხვა სახის ავტოსატრანსპორტო საშუალებების ტექნიკური მომსახურების შესყიდვაზე (CPV-----) გამარტივებული ელექტრონული ტენდერი (SPA-----) და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული მომსახურება ---- ლარად (შემდგომში ხელშეკრულების ღირებულება)

1.2 ხელშეკრულების საგანია - სხვადასხვა სახის ავტოსატრანსპორტო საშუალებების ტექნიკური მომსახურება.

1.3 ხელშეკრულების საერთო ღირებულება შეადგენს 130 000.00 (ასოცდაათი ათასი ლარი და 00 თეთრი) ლარს.

1.4 ხელშეკრულების პრეისკურანტის ღირებულება შეადგენს ----- ლარს.

1.5 გასაწევი მომსახურების ერთეულის ფასები პოზიციების მიხედვით მოცემულია დანართი N2-ში (პრეისკურანტი), რომელიც თან ერთვის აღნიშნულ ხელშეკრულებას და ითვლება მის განუყოფელ ნაწილად.

1.6 გასაწევი მომსახურების ერთეულის ფასები და ხელშეკრულების ფასი შეიცავს მიმწოდებლის ყველა ხარჯებსა და საქართველოს კანონმდებლობით დადგენილ ყველა გადასახადს, დაკავშირებულს მომსახურების გაწევასთან.

1.7 ხელშეკრულების ღირებულების თანხა აღებულია შესაძლო გასაწევი მომსახურების ღირებულებების მიხედვით, ხოლო ანაზღაურება „მიმწოდებელთან“ განხორციელდება მის მიერ ფაქტობრივად გაწეული მომსახურების მიხედვით, შესაბამისად ხელშეკრულების მოქმედების ვადის ამოწურვის მომენტისათვის ხელშეკრულების საერთო ღირებულებიდან გამოუმუშავებელი თანხა დარჩება „შემსყიდველთან“ და იგი არ წარმოშობს მხარეებს შორის რაიმე დამატებით ვალდებულებებს.

2. ხელშეკრულების შესრულების კონტროლი

2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1. გასაწევი მომსახურების ვადების ხელშეკრულების მოთხოვნებთან შესაბამისობის დადგენა;

2.2.2. შესაბამისი შემოწმების აქტის საფუძველზე გაწეული მომსახურების ან/და მისი ნაწილის ხარისხის ხელშეკრულების მოთხოვნებთან შესაბამისობის დადგენა ინსპექტირების აქტის გაფორმება.

2.2.3. სახელმწიფო შესყიდვის შესახებ ხელშეკრულების პირობების შესაბამისად წარმოდგენილი დოკუმენტების საფუძველზე მიმწოდებლის მხრიდან ხელშეკრულებით ნაკისრ ვალდებულებებზე კონტროლის განხორციელება, მიმწოდებელთან დეფექტური და მიღება-ჩაბარების აქტების გაფორმება და ანგარიშსწორების პროცესის რეგულირება.

2.3. ხელშეკრულების შესრულების კონტროლს ახორციელებენ სსიპ „აღსრულების ეროვნული ბიურო“-ს ლოჯისტიკის სამსახურის თანამშრომლები.

3. მომსახურების მიწოდების პირობები

3.1 მიმწოდებელი ვალდებულია ხელშეკრულების გაფორმების დღიდან – 2017 წლის 31 დეკემბრის ჩათვლით ოპერატიულად უზრუნველყოს დანართი N1-ში მითითებული ავტოსატრანსპორტო საშუალებების შეკეთება დანართი N3-ში მითითებულ მისამართზე, ამავე დანართში მოყვანილი ტექნიკური შესაძლებლობების

გამოყენებით. ავტოსატრანსპორტო საშუალებების ოპერატიული შეკეთება გულისხმობს ყველა სახის სამუშაოებს ავტოსატრანსპორტო საშუალებების შეუფერხებელი ფუნქციონირების უზრუნველყოფის მიზნით, მათ შორის მიმდინარე და კაპიტალურ რემონტს, პროფილაქტიკური და დიაგნოსტიკური სამუშაოების ჩატარებას, უწყვეტივარდობის აღმოფხვრას, სათადარიგო ნაწილების მოხსნა-დაყენებას, შეკეთებას ან/და გამოცვლას, საცხებ-საპოხი მასალების გამოცვლას, სათუნუქე და სამღებრო სამუშაოებს, ელექტროგაყვანილობების რემონტს და სხვა ძირითად კვანძებსა და სამუშაოებს რომლებიც მთლიანობაში ასახულია დანართი N2-ში.

3.2 მიმწოდებელი ვალდებულია ყოველ კონკრეტულ შემთხვევაზე მიანიჭოს პრიორიტეტული უფლება სსიპ „აღსრულების ეროვნული ბიურო“-ს ავტოსატრანსპორტო საშუალებებს, რაც გულისხმობს მათ რიგგარეშე და დაუყოვნებლივ მომსახურებას.

3.3 მიმწოდებელი ვალდებულია შემსყიდველი ორგანიზაციის მიერ გამოყოფილ უფლებამოსილ პირთან ერთად ავტოსატრანსპორტის სერვის ცენტრში შეყვანისთანავე შეადგინოს დეფექტური აქტი, დეფექტურ აქტში მიუთითოს დაზიანებული ავტოსატრანსპორტო საშუალების მარკა, მოდელი, გამოშვების წელი, საიდენტიფიკაციო ნომერი, აღმოჩენილი ხარვეზი, აღნიშნული ხარვეზის აღმოფხვრისათვის საჭირო გასაწევი მომსახურებების ჩამონათვალი (საჭიროების შემთხვევაში შესაცვლელი სათადარიგო ნაწილების გათვალისწინებით), მომსახურების გაწევის ვადები და აღნიშნულ ვადებში, პრეისკურანტში (დანართი N2) მითითებული ღირებულებების შესაბამისად განახორციელოს აღდგენითი და პროფილაქტიკური სამუშაოები (მომსახურება), ხოლო თუ, რომელიმე მომსახურების შესრულებას მიმწოდებელი ვერ განახორციელებს საკუთარ სერვისცენტრში (მათ შორის სუბკონტრაქტორის სერვისცენტრში), იგი ვალდებულია მიმწოდებლის ავტომანქანა საკუთარი ხარჯებით გადაიყვანოს იმ სერვისცენტრში, რომელშიც შესაძლებელი იქნება აღნიშნული მომსახურების განხორციელება.

3.4. ამასთან შემსყიდველის წერილობითი შეტყობინებიდან ან დეფექტური აქტის დამტკიცებიდან მომსახურების ვადა თითოეულ შემთხვევაზე არ უნდა აღემატებოდეს სავალი ნაწილებისათვის - 2(ორი) დღეს; ელექტრობისათვის - 1(ერთი) დღეს; აგრეგატებისათვის - 3 (სამი) დღეს. იმ შემთხვევაში თუ საჭიროა ძრავის კაპიტალური რემონტის ჩატარება შესაძლებელია მომსახურების ვადა განისაზღვროს შემსყიდველთან შეთანხმებით, მაგრამ არაუმეტეს 10 კალენდარული დღეს, ხოლო თუ ავტოტექნომსახურება ეხება დეფიციტური სათადარიგო ნაწილით უზრუნველყოფას, მომსახურების გაწევის ვადა განისაზღვრება არაუმეტეს 20 (ოცი) კალენდარული დღით. ამასთან, თუ რომელიმე სათადარიგო ნაწილის რეალიზაციას ახორციელებს საქართველოს ტერიტორიაზე არსებული ერთი ორგანიზაცია მაინც, ასეთი სათადარიგო ნაწილი არ ჩაითვლება დეფიციტურ ნაწილად.

3.5 თუ გასაწევი მომსახურება არ არის გათვალისწინებული პრეისკურანტში მაშინ მხარეები აღნიშნულ გასაწევ მომსახურებას ან/და შესაცვლელ სათადარიგო ნაწილს, ღირებულებების გათვალისწინებით (ფასი დადგინდება შემსყიდველთან წინასწარ შეთანხმების საფუძველზე მიმდინარე დროისთვის ბაზარზე არსებული ღირებულებების შესაბამისად) უთითებენ დეფექტურ და მიღება-ჩაბარების აქტებში, ხელშეკრულებაში დამატებითი ცვლილებების შეტანის შემდგომ სახელშეკრულებო ღირებულების შეუცვლელად. პრეისკურანტში შესაბამისი მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.

3.6. შემსყიდველი არ აგებს პასუხს მიმწოდებლის მიერ მესამე პირებისათვის მიყენებულ ზიანზე ან ზარალზე.

3.7. შემსყიდველი არ აგებს პასუხს მიმწოდებლის მიერ მესამე პირის მიმართ ნაკისრ ვალდებულებებზე.

4. შესყიდვის ობიექტის მიღება-ჩაბარების წესი

4.1. გაწეული მომსახურების მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად გაწეული მომსახურების შესაბამისად.

4.2 გაწეულ მომსახურებაზე ყოველ კონკრეტულ შემთხვევაში მხარეები ადგენენ მიღება-ჩაბარების აქტს, რომელშიც მითითებული უნდა იყოს გაწეული მომსახურების დეტალური აღწერა (საჭიროების შემთხვევაში სათადარიგო ნაწილ(ებ)ის გათვალისწინებით), რაოდენობა ან/და მოცულობა, ფასი და საერთო ღირებულება (მომსახურებების ფასები გათვალისწინებული იქნება პრეისკურანტში (დანართი N2) მოცემული ფასების შესაბამისად, ხოლო პრეისკურანტით გაუთვალისწინებელი მომსახურების ან/და შესაცვლელი სათადარიგო ნაწილის შემთხვევაში ფასი დადგინდება შემსყიდველთან წინასწარ შეთანხმების საფუძველზე მიმდინარე დროისთვის ბაზარზე არსებული ღირებულებების შესაბამისად).

4.3.იმ შემთხვევაში თუ, გაწეული მომსახურება შეესაბამება ხელშეკრულებით გათვალისწინებულ მოთხოვნებს, ხელშეკრულებით განსაზღვრული პირი მიღება-ჩაბარების აქტის საფუძველზე ახორციელებს გაწეული მომსახურების მიღებას, ხოლო თუ მომსახურების პროცესში გამოვლინდება, რომ იგი არ აკმაყოფილებს ხელშეკრულების გათვალისწინებულ მოთხოვნებს შემსყიდველს უფლება აქვს არ მიიღოს და მოსთხოვოს მიმწოდებელს ხარვეზის აღმოფხვრა მიმწოდებლის ხარჯით.

4.4 მიღება-ჩაბარების აქტის გაფორმების მომენტისთვის მიმწოდებელმა უნდა წარუდგინოს შემსყიდველს საქართველოს კანონმდებლობით დადგენილი ყველა შესაბამისი საგადასახადო დოკუმენტი.

4.5. ხელშეკრულების შესრულების კონტროლზე და ხელშეკრულებით გათვალისწინებული მიღება-ჩაბარების აქტ(ებ)ის გაფორმებაზე პასუხისმგებელ პირს წარმოადგენს სსიპ „აღსრულების ეროვნული ბიურო“-ს ლოჯისტიკის სამსახურის უფროსი.

5. ანგარიშსწორება

5.1 ანგარიშსწორება მიმწოდებელთან განხორციელდება ლარებში.

5.2 ანგარიშსწორება განხორციელდება ეტაპობრივად, ფაქტურად გაწეული მომსახურების ღირებულებების მიხედვით, შესაბამისი მიღება-ჩაბარების აქტ(ებ)ის გაფორმებისა და საქართველოს კანონმდებლობით დადგენილი შესაბამისი საგადასახადო დოკუმენტების წარმოდგენიდან 10 (ათი) სამუშაო დღის განმავლობაში.

5.3 ანგარიშსწორების ფორმა იქნება უნაღდო, გადარიცხვა მოხდება მიმწოდებლის საბანკო ანგარიშზე.

5.4 წინასწარი ანგარიშსწორების მექანიზმი არ გამოიყენება.

5.5. 5.2 პუნქტის შესრულებისათვის წარმოდგენილი დოკუმენტაციის სისრულეზე და რეალობაზე პასუხისმგებელია 4.5 პუნქტში მითითებული პირი.

6. მხარეთა ვალდებულებები

6.1. „მიმწოდებელი“ ვალდებულია:

6.1.1. მიაწოდოს „შემსყიდველს“ სრულყოფილი და დროული მომსახურება;

6.1.2. „შემსყიდველს“ საკუთარი სახსრებით გაუწიოს მომსახურება ხელშეკრულების პირობების შესაბამისად და უზრუნველყოს თანხლები დოკუმენტაციის წარდგენა;

6.1.3. კეთილსინდისიერად და მაღალპროფესიონალურ დონეზე შეასრულოს ნაკისრი ვალდებულება;

6.1.4. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

6.1.5. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

6.2. „შემსყიდველი“ ვალდებულია:

6.2.1. ხელშეკრულებით გათვალისწინებული პირობების შესაბამისად აღუზაღუროს მიმწოდებელს გაწეული მომსახურების ღირებულება.

6.2.2. დროულად განიხილოს „მიმწოდებლის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

6.2.3. დაიცვას ხელშეკრულებით გათვალისწინებული ყველა პირობა.

7. გარანტია

7.1 გაწეული მომსახურებისა და შეკეთებული ან/და გამოცვლილი დეტალების საგარანტო პერიოდი და პირობები განსაზღვრულია დანართი N2-ით.

7.1.1 გაწეულ მომსახურებაზე საგარანტო ვადის ათვლა იწყება მომსახურების დასრულების დღიდან და მოქმედებს დანართი N2-ში მითითებული პერიოდისა და პირობების შესაბამისად.

7.1.2 მიმწოდებელი იძლევა გარანტიას, რომ მის მიერ ტექნიკური მომსახურება განხორციელდება მაღალხარისხოვნად, აღნიშნულ მომსახურებაზე არსებული სტანდარტების სრული დაცვითა და მის მიერ წარმოდგენილი ტექნიკური პირობებით განსაზღვრული პირობების შესაბამისად, ასევე ყველა გამოცვლილი დეტალი იქნება ახალი და ქარხნული წარმოების, წინააღმდეგ შემთხვევაში იგი ვალდებულია საკუთარი სახსრებით თავად უზრუნველყოს, როგორც მომსახურების მიმდინარეობის პერიოდში ასევე საგარანტო პერიოდში აღმოჩენილი ნებისმიერი ხარვეზის აღმოფხვრა, ასევე აღნიშნული მომსახურების პროცესში და საგარანტო პერიოდში არახარისხოვნად გაწეული მომსახურების შედეგად გამოვლენილი ნებისმიერი სხვა ზიანის აღმოფხვრა შემსყიდველის მხრიდან შეტყობინების მიღებიდან N2 დანართით განსაზღვრული პირობების შესაბამისად.

7.1.3. ამ ხელშეკრულებით გათვალისწინებული მომსახურების წარმოების პერიოდში, აგრეთვე საგარანტო ვადაში მიმწოდებლის მიერ შემსყიდველზე ან/და მესამე პირზე მიყენებული ზიანის რისკი ეკისრება მიმწოდებელს.

7.1.3. საგარანტო ვადის განმავლობაში მიმწოდებლის მხრიდან 7.1.2 პუნქტით განსაზღვრული პირობების დარღვევის შემთხვევაში შემსყიდველი უფლებამოსილია მიმართოს სასამართლოს მიყენებული ზიანის ასანაზღაურებლად.

7.2. „შემსყიდველს“ უფლება აქვს:

7.2.1. აწარმოოს მომსახურების ხარისხის კონტროლი;

7.2.2. განაცხადოს უარი უხარისხო მომსახურების მიღებაზე.

8. ფორს-მაჟორი

8.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული არემოვების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

8.2. ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

8.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ,

მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ ფორს-მაჟორული გარემოებების ზეგავლენისაგან.

8.4 ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად.

9. ხელშეკრულების პირობების და ფასების გადასინჯვა

9.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიმწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

9.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

9.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

9.4. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

10. სადაო საკითხების გადაწყვეტა

10.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

10.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

11. ხელშეკრულების შესრულების შეფერხება

11.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

12. ხელშეკრულების პირობების შეუსრულებლობა

12.1. შემსყიდველი უფლებამოსილია ამ ხელშეკრულების 3.3 პუნქტით გათვალისწინებული ვად(ებ)ის გადაცილების შემთხვევაში ყოველ კონკრეტულ შემთხვევაზე დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0.1 %-ის ოდენობით;

12.2. შემსყიდველი უფლებამოსილია ამ ხელშეკრულების 7.1.2 პუნქტით გათვალისწინებული ვად(ებ)ის გადაცილების შემთხვევაში ყოველ კონკრეტულ ფაქტზე დააკისროს მიმწოდებელს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0.1 %-ის ოდენობით;

12.3. შემსყიდველი უფლებამოსილია ამ ხელშეკრულების 3.1 ან/და 3.2 პუნქტებით, ასევე 3.3 (დეფექტური აქტის შედგენა ავტორიზირებული სერვისცენტრში შეყვანისთანავე) პუნქტით გათვალისწინებული ვალდებულებების დარღვევის შემთხვევაში, ყოველ კონკრეტულ ფაქტზე დააკისროს მიმწოდებელს პირგასამტეხლო ხელშეკრულების საერთო ღირებულების 1%-ის ოდენობით.

12.4. მიმწოდებელი უფლებამოსილია ამ ხელშეკრულების 5.2 პუნქტით გათვალისწინებული ვადის გადაცილების შემთხვევაში დააკისროს შემსყიდველს პირგასამტეხლო ყოველ ვადაგადაცილებულ დღეზე მოცემულ მომენტში გადასარიცხი თანხის 0.1%-ის ოდენობით;

12.5. იმ შემთხვევაში თუ ხელშეკრულების 12.1. პუნქტით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 5%-ს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ანთავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.

13. სადაო საკითხების გადაწყვეტა

13.1. წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ერთობლივი მოლაპარაკების საფუძველზე.

13.2. თუ შემსყიდველი და მიმწოდებელი მოლაპარაკების დაწყებიდან 10 (ათი) დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოს მოქმედი კანონმდებლობით დადგენილი წესით.

14. ხელშეკრულების შეწყვეტა

14.1. ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზეც მხარემ უნდა აცნობოს მეორე მხარეს 10 დღით ადრე.

14.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

15. ხელშეკრულების მოქმედების ვადა

15.1 ხელშეკრულება ძალაში შედის მხარეთა მიერ მისი ხელმოწერის თარიღიდან და ძალაშია 2018 წლის 31 იანვრის ჩათვლით.

15.2 ხელშეკრულება შედგენილია 3 ეგზემპლარად და თითოეულ მათგანს გააჩნია თანაბარი იურიდიული ძალა; ხელშეკრულების 1 ეგზემპლარი ინახება „მიმწოდებელთან“, 2 ეგზემპლარი „შემსყიდველთან“.

„შემსყიდველი“

„მიმწოდებელი“

ავტოსატრანსპორტო საშუალებების ჩამონათვალი

№	მარკა/მოდელი	გამოშვების წელი	ძრავის მოცულობა	საიდენტიფიკაციო № (VIN)
1	HYUNDAI TUCSON	2008	ბენზინი 2.7	KMHJN81DP9U966433
2	MERCEDES-BENZ E320	1998	ბენზინი 3.2	WDB2100651A605305
3	TOYOTA LANDCRUISER PRADO	2008	ბენზინი 2.7	JTEBL29J80K003302
4	FIAT DOBLO	2011	ბენზინი 1.4	ZFA26300009094875
5	IVECO OTOYOL	2004	დიზელი	NMSA706200TE13713
6	LINDE H30D-04 (სატვირთველი)	2007	დიზელი	AV8027815
7	VAZ 21214 NIVA	2007	ბენზინი 1.7	XTA21214081879108
8	FORD TRANSIT	2010	დიზელი 2.2	WF0XXXTFXAU77724
9	FORD TRANSIT	1999	დიზელი 2.5	WF0AXXCPVAWU58104
10	FORD TRANSIT	1999	დიზელი 2.5	WF0CXXGBVCXS46927
11	FORD TURNEO	1995	ბენზინი 2.0	WFOFXXGBVFSJ75546
12	MITSUBISHI canter	2011	დიზელი 4.0	NLTFE83PC02005231
13	MITSUBISHI canter	2010	დიზელი 3.9	NLTFE83PC02005205
14	MITSUBISHI canter	2010	დიზელი 3.9	NLTFE83PC02005206
15	SKODA OCTAVIA	2011	ბენზინი 1.6	TMBDA41Z1B2108394
16	SKODA OCTAVIA	2011	ბენზინი 1.6	TMBDA41Z5B2119222
17	SKODA OCTAVIA	2011	ბენზინი 1.6	TMBDA41Z9B2108045

18	SKODA OCTAVIA	2011	ბენზინი 1.6	TMBDA41Z6B2108293
19	SKODA OCTAVIA	2011	ბენზინი 1.6	TMBDA41Z0B2108080
20	SKODA OCTAVIA	2011	ბენზინი 1.6	TMBDA41Z3B2109756
21	SKODA OCTAVIA	2011	ბენზინი 1.6	TMBDA41Z0B2108189
22	SKODA ROOMSTER	2011	ბენზინი 1.4	TMBNC15J3B7008513
23	SKODA ROOMSTER	2011	ბენზინი 1.4	TMBNC15J5B7008478
24	SKODA ROOMSTER	2011	ბენზინი 1.4	TMBNC15J2B7008454
25	SKODA ROOMSTER	2011	ბენზინი 1.4	TMBNC15J9B7008452
26	SKODA ROOMSTER	2011	ბენზინი 1.4	TMBNC15J5B7008450
27	SKODA ROOMSTER	2011	ბენზინი 1.4	TMBNC15J8B7008555
28	SKODA ROOMSTER	2011	ბენზინი 1.4	TMBNC15J7B7008451
29	SKODA FABIA	2011	ბენზინი 1.6	TMBED15J5B3161883
30	SKODA FABIA	2011	ბენზინი 1.4	TMBEC15J4B3158041
31	SKODA FABIA	2011	ბენზინი 1.4	TMBEC15J1B3158062
32	SKODA FABIA	2011	ბენზინი 1.4	TMBEC15J9B3158049
33	SKODA FABIA	2011	ბენზინი 1.4	TMBEC15J8B3158088
34	SKODA FABIA	2011	ბენზინი 1.4	TMBEC15J7B3158275
35	SKODA FABIA	2011	ბენზინი 1.4	TMBEC15JXB3158075
36	SKODA FABIA	2011	ბენზინი 1.4	TMBEC15J0B3158585
37	SKODA FABIA	2011	ბენზინი 1.4	TMBEC15J4B3158251
38	SKODA FABIA	2011	ბენზინი 1.4	TMBEC15J7B3171267
39	SKODA FABIA	2011	ბენზინი 1.4	TMBEC15J4B3171274
40	SKODA FABIA	2011	ბენზინი 1.4	TMBEC15J8B3171262

41	SKODA FABIA	2011	ბენზინი 1.4	TMBEC15J6B3171292
42	SKODA FABIA	2011	ბენზინი 1.4	TMBEC15J0B3171305
43	SKODA FABIA	2011	ბენზინი 1.4	TMBEC15J2B3171287
44	SKODA FABIA	2011	ბენზინი 1.4	TMBEC15JXB3171196
45	SKODA FABIA	2011	ბენზინი 1.4	TMBEC15J4B3171226
46	SKODA FABIA	2011	ბენზინი 1.4	TMBEC15J3B3171217
47	SKODA FABIA	2011	ბენზინი 1.4	TMBEC15J4B3171453
48	SKODA FABIA	2011	ბენზინი 1.4	TMBEC15JXB3171246
49	SKODA FABIA	2011	ბენზინი 1.4	TMBEC15J9B3171240
50	SKODA FABIA	2011	ბენზინი 1.4	TMBEC15J5B3171235
51	SKODA FABIA	2011	ბენზინი 1.4	TMBEC15J5B3171123
52	TOYOTA CAMRY	2012	ბენზინი 3.5	JTNBK4FK103002207
53	SKODA FABIA	2012	ბენზინი 1.6	TMBED45J7C3145414
54	SKODA ROOMSTER	2012	ბენზინი 1.6	TMBND45J4C7037275
55	SKODA ROOMSTER	2012	ბენზინი 1.6	TMBND45J2C7037288
56	SKODA ROOMSTER	2012	ბენზინი 1.6	TMBND45J3C7037090

პრეტენდენტის ხელმოწერა

ბ.ა

/

/

ხელმოწერის სახელი, გვარი

სერვისცენტრის ტექნიკური შესაძლებლობები

№	სერვის ცენტრის მდებარეობა (მისამართი) სადაც განხორციელდება მომსახურება	საწარმოო ფართის მოცულობა	სასაწყობო ფართის მოცულობა	დაცული ავტოსადგომის მოცულობა
1	2	3	4	5
1				
2				
.				
.				
n				

შენიშვნა:

- მე-2, მე-3, მე-4 და მე-5 გრაფები ივსება პრეტენდენტის მიერ.

აუცილებელი პირობა:

- პრეტენდენტს უნდა გააჩნდეს მინიმუმ ერთი სერვის- ცენტრი ქ. თბილისში, ერთი სერვის- ცენტრი კახეთის რეგიონში და ერთი სერვის ცენტრი დასავლეთ საქართველოში.
- თითოეულ სერვის-ცენტრს საწარმოო ფართის მიმდებარედ უნდა გააჩნდეს სასაწყობო ფართი და დაცული ავტოსადგომი.
- ქ.თბილისში სერვის ცენტრს საწარმოო ფართის მიმდებარედ უნდა გააჩნდეს დაცული ავტოსადგომი.
- პრეტენდენტს უნდა გააჩნდეს რეგიონებში მომსახურების შესაძლებლობა, მომსახურება შესაძლებელია განხორციელდეს როგორც სერვის ცენტრების (არსებობის შემთხვევაში) საშუალებით, ასევე მობილური ჯგუფების მეშვეობითაც.

№	ტექნიკური შესაძლებლობების ჩამონათვალი	განზ. ერთეული	რაოდენობა ან მოცულობა	შენიშვნა
1	2	3	4	5
1	საავტომობილო ამწე			
2	ელ. სისტემის დიაგნოსტიკური აპარატურა			
3	ალტერნატიული ელექტრო კვების წყარო			
4				
5				
6				
7				

აუცილებელი პირობა:

- პრეტენდენტს მინიმუმ ერთ საწარმოო ფართში უნდა გააჩნდეს მინიმუმ 4 საავტომობილო ამწე.
- პრეტენდენტს უნდა გააჩნდეს ელ. სისტემის დიაგნოსტიკური აპარატურა.
- საწარმოო ფართს უნდა გააჩნდეს ალტერნატიული ელექტრო კვების წყარო.

შენიშვნა:

- მე-3, მე-4 და მე-5 გრაფები ივსება პრეტენდენტის მიერ.
- მე-5 გრაფაში შეძლებისდაგვარად მითითებულ უნდა იქნას ინფორმაცია ტექნიკური შესაძლებლობის ფირმის, არსებობის შემთხვევაში მოდელის, სიმძლავრისა და სხვა არსებული მონაცემების შესახებ.
- ტექნიკური შესაძლებლობების ცხრილში დაფიქსირებული ინფორმაციის გარდა დამატებით მითითებულ უნდა იქნას ყველა სხვა ინფორმაცია (არსებობის შემთხვევაში) სამუშაოს შესრულებისათვის საჭირო იმ ძირითადი და სათანადო მანქანა-დანადგარების შესახებ, რომელიც გააჩნია სერვის ცენტრს.
- მოთხოვნილი ინფორმაცია მითითებულ უნდა იქნას ყველა საწარმო ფართის მიხედვით ცალცალკე თბილისის, კახეთისა და დასავლეთ საქართველოში მდებარე სერვის-ცენტრების მიხედვით.

პრეტენდენტის ხელმოწერა

ბ.ა

/

/

ხელმოწერის სახელი, გვარი

რ ე კ ვ ი ზ ი ტ ე ბ ი

პრეტენდენტის დასახელება	
საინფორმაციო კოდი	
იურიდიული მისამართი	
ფაქტობრივი მისამართი	
ოფისის ტელეფონი	
მობილური ტელეფონი	
ფაქსი	
E-mail	
ხელმოწერის სახელი გვარი	
მომსახურე ბანკის დასახელება, ბანკის კოდი	
ანგარიშის ნომერი	

პრეტენდენტის ხელმოწერა _____
 ბ.ა

/ /
 ხელმოწერის სახელი, გვარი